

左宗棠全集

第七册

第七册

左宗棠全集

奏稿（七）

左文襄公奏稿卷三十五

起同治九年庚午三月訖五月

目錄

截剿南竄逆回疊勝首逆馬正和伏誅摺

五三八五

湘皖兩軍連獲勝仗摺

五三九九

峽口失事各員請懲處片

五四一一

覆陳定邊安定失陷情形摺

五四一七

袁保恆奏湘皖兩軍多有缺額核實查覆片

五四三三

安插制兵籌供客軍糧餉片

五四四三

截剿甘南逆回并分剿河狄大股逆回獲勝摺

五四四七

湘皖兩軍攻破賊壘大獲勝仗摺

五四六一

中路官軍截勦自陝回竄逆回疊勝摺

五四七一

勦辦固原鹽茶廳客土逆回片

五四七九

湘軍蕩平賊濠并截勦河西竄回疊勝摺

五四九三

金運昌軍勦辦後路竄賊請獎卹片

五五〇一

甘捐道府州縣等項再請展限一年片

五五〇九

軍機大臣字寄同治九年三月初七日奉

上諭劉典奏官兵追剿竄回疊勝陝省見無回蹤出力員弁請獎并馬正剛一股殲除殆盡出力員弁分別奏請獎卹及剿擊北山回土各匪獲勝請將陣亡員弁議卹各摺片覽奏均悉回酋馬長鳳等股勾結游勇由北山竄入內地官軍追剿情形業經劉典先後馳奏茲據奏稱劉端冕各軍在韓城等處擊賊獲勝賊由臨渭一帶搶渡渭河均經水師擊敗高陵之賊經魏紀鑒等率隊敗之一帶分路潛逃附入游勇亦已悉數衝散其奔竄甘境者僅數百人劉典見飭在陝各營於陝甘毗連處所嚴密設防馬正剛一股亦

經劉端冕等追殺殆盡據逃出難民供稱馬正剛已被槍斃各等語此次回匪紛竄陝疆圖絕甘軍糧道劉典督飭諸軍進剿疊獲勝捷該省已無賊蹤辦向屬得手本日已明降諭旨將出力之提督李輝武等副將吳賢華等分別獎卹矣刻下金積堡賊巢甘軍圍攻正緊其折竄甘境各匪難保不勾煽餘黨復謀東犯牽掣進剿諸軍左宗棠當督飭在甘將士將金積堡相機攻取并檄飭派出援陝之軍將折回餘匪攔頭截擊務絕根株近日甯靈一帶軍情若何著隨時據實具奏以慰廑系劉典亦當嚴飭各處駐營力加防範不准稍涉疏虞馬正剛是否槍斃仍著確切查明此起零匪究係逃竄何處并著飭令在防將弁隨時偵探以期搜捕無

遺清澗等處踞匪既經總兵田玉廣等殲除淨盡而定邊西境及
花馬池一帶復有回蹤并由安邊竄來逃勇一二百名在蔣家寨
一帶盤踞甯條梁附近之呂家寨亦有逃勇一二百名是榆綏一
帶防務尙未可鬆著劉典卽飭成定康等加意防維毋稍鬆勁惟
陝省前次肅清之後凡地方騷擾半係土匪游勇勾結回逆此次
安邊等處逃勇究由何營散出其從前管帶究係何人若任其紛
紛肆擾後患何可勝言著左宗棠劉典分飭各路帶兵官弁設法
擒拏并查明該管營官從嚴參辦一面將各處游勇妥籌安插分
別遣散以靖地方劉厚基所部陣亡之副將康華亭千總劉秀逢
擬保把總外委胡登科均著交部照例議卹將此由五百里各諭

令知之欽此

截勦南竄逆回疊勝首逆馬正和伏誅摺

同治九年三月初七日

奏爲官軍截勦南竄逆回疊次獲勝首逆伏誅恭摺馳陳仰祈

聖鑒事竊陝甘各回麴聚金積堡近因乏食四出竄擾臣前因固

原鹽茶廳所屬東西兩山南界平涼北界靈州周數百里回民居

其大半中間良匪雜糅亟宜分別勦撫以規久遠遂擬設立旌善

營令已革壽春鎮總兵蘇如松督之擇良回軍功馬柏森穆進善

李百寬等爲營官各帶土著馬勇分起駐紮給以薪糧馬乾隨官

軍勦捕土匪客匪馬柏森本萌城回目上年官兵由平涼掃盪而

北固原州黑城子李旺堡預望城等處回目經官軍勦敗各挈其

黨遁歸金積堡蓋舊奉馬化澂爲宗主者也預望城地勢北接韋

州堡賊由金積堡南竄必經韋州堡以達預望城一過預望城則道路紛歧防剿均費兵力馬柏森者本萌城良回於時瞰預望城回目馬萬春投入金積堡遂自萌城徙居之斬通逆小回目而輸誠於官軍截殺逆騎八十餘名馬化澂穆生花恨其背己又以預望城爲逆回南竄要路必欲陷之嗾馬正和率陝回馬萬春楊達娃率甘回併圍預望城二月十三日馬柏森飛稟告急記名提督周紹濂及蘇如松由半角城率馬步隊急起援之十五日抵李旺堡十六日黎明由李旺堡前進甫三十里至馱騾腰嶮地方遇賊三四百騎周紹濂卽督隊分路猛撲斃賊五十餘名奪獲騾馬四十餘匹賊奪路狂奔蘇如松率馬隊先抵預望城賊聞官軍大至

翻山竄走十七日周紹濂抵預望城則賊竄已遠忽回民走報是夜二鼓有賊千餘將阿布條回堡攻陷殺傷良回李萬梗等見踞堡搬運糧物周紹濂急率所部擊之十八日馳抵楊家灣見賊踞對山齊施槍礮周紹濂督隊下山梟水而前飭副將周玉林由中路參將毛正明由左都司周曙良由右三路併進蘇如松率馬柏森及李百寬等旌善馬隊亦到分兩路抄擊官軍衝上山梁賊亦由山梁下撲槍礮對轟官軍自下山仰攻槍無虛發連斃執旂悍賊三名紅衣騎馬賊一名賊勢稍卻官軍一齊搶上山梁槍矛并進斃賊無數賊紛由山旁亂竄適旌善馬隊飛馳而至截斬悍賊數十名奪獲賊馬十餘匹賊向阿布條狂奔官軍躡追及之堡

中賊紛出迎拒官軍悉銳衝殺斃賊入九十名生擒二名賊棄堡下溝向老虎灣狂竄馬牛糧食拋棄滿地官軍追至老虎灣始收隊阿布條堡將所獲糧畜給還難民訊據生擒賊目馬生香馬伯壽等供稱馬正和等圖破預望城阿布條等處以擾李旺黑城子官軍運道因官軍速到預望城適賊裏糧已盡遂先陷阿布條擬飽掠後仍回攻預望城也訊畢斬之周紹濂令馬柏森馳回預望城籌守禦與蘇如松各率所部追賊十九日由欠溝門一帶搜剿而來沿途頗有擒斬賊由王家園莊過河南竄李旺堡是日黎明攻圍李旺堡官營副將李光賓飭存營隊伍兀立垛口靜以待之賊欺官軍單薄併力猛撲數次李光賓俟其逼近測準轟擊槍無

虛發賊每猛撲一次必傷斃數人乃解圍潰竄李光賓開壁縱擊連斃悍賊二十餘名斃紅衣騎馬賊目二名訊生擒馬八兒馬元娃供稱賊目一白姓一帥姓皆馬正和所帶東彌悍黨也是夜三鼓賊分股竄至黑城子南三十里攻破何家溝良回何家位寨二十日黎明李良穆率所部馳擊甫近何家溝接總兵張大雄都司周曙良飛報賊之大股經李旺堡官軍擊敗併竄黑城子李良穆急挈隊回勦行十餘里遇賊已越黑城子十餘里而來似圖與何家溝賊合隊李良穆帶所部由西山橫截而出奮威衝殺賊駭懼失措紛紛潰走官軍乘勢壓擊斃賊甚多其何家溝一股自後衝出敗賊復回旂抗拒李良穆率所部搶入土堡一紅衣賊衝近堡

門揮刃斬之。又有紅衣騎賊領悍賊繼至，經排礮轟斃賊始大潰。官軍乘勢掩殺收隊回黑城子。一面飛馬邀總兵張大雄都司周曙良前來會剿。是夜三更賊折向北竄，一股仍竄回東山。二十一日子刻張大雄周曙良自李旺堡馳至中途遇賊，賊見官軍至紛潰竄擒斬數十名。昏夜未便窮追，天明李良穆帶隊繼至，則賊蹤已遠。搜獲落後賊李來娃子及趙三庚等，僉供馬正和於二十日接仗時猝中礮子，自鼻梁穿入腦後，透出當經賊夥用綢旂裏擡逾時氣絕。其弟僞元帥馬魁同時轟斃。良回柯大有等所報亦同。提督徐占彪在韋州花子臺一帶截剿馬正和敗回一股生擒逆賊馬世英等均供馬正和頭受槍傷氣絕。臣昨提訊李來娃子

供詞尤爲確鑿是逆首馬正和伏誅已無疑義此周紹濂所部五營急援預望城保固要地截剿陝甘南竄逆回疊獲勝仗逆首馬正和伏誅實在情形也當賊之圖陷預望城也臣檄黃鼎所部升用提督徐占彪率步隊三營馬隊一營馳往援剿黃鼎更以步隊兩營益之二月十六日由固原拔行十九日抵預望城是日申刻馬柏森報有賊目李花喜馬有全蘇文舉李德隆率賊千餘由金積堡竄出韋州過下馬關盤踞距預望城四十里之吳家腦徐占彪等卽於是夜蓐食潛師夜起黎明行近吳家腦見該處峰高路狹非用眾之地總兵陳玉春趙興隆參將林定遠等飭馬柏森前行引路由王家山黑溝繞道抵虎家山麻兒灣設伏以待徐占彪

率兩營徑薄吳家腦賊甫驚覺徐占彪麾軍縱擊斃賊百餘名擒賊六十餘名賊紛向虎家山敗遁徐占彪率陳春萬猛躡之甫抵虎家山陳玉春自山後截出林定遠由左趙興隆由右兩面抄來將全股賊眾裹在中央各營縱橫盪決馬柏森亦下馬步戰立將賊目蘇文舉擊斃生擒賊目李花喜馬有全并擒賊目鎖保鳳蘇成功馬海望李保成馬有保李有俊蘇成明馬得印等及悍賊七十餘名轟斃餘賊二百餘名墜巖死者無數奪騾馬五百餘匹是夜派隊搜山復獲賊四十餘名斬之二十一日收隊還預望城訊據賊目李花喜馬有全等供奉馬化澂穆生花命率領五營於十六日由金積堡竄出走韋州下馬關至預望城圍攻堡寨併探路

徑如無大兵阻截卽率股分途赴陝擄糧見飭解營審訊此股賊目祇李德隆一犯漏網餘賊逸出者亦無幾矣二十二日馬柏森報稱馬正和一股經官軍痛剿敗歸金積堡已竄近下馬關二十三日徐占彪督步隊五營追之已刻抵下馬關見地勢平衍卽結方陣前進行十餘里遇賊各營奮威衝殺賊不能當紛向韋州敗遁追近韋州六七里殺悍賊五十餘名奪獲騾馬七八十頭是夜詞賊麇聚花子臺徐占彪以三營扼韋州堡自率兩營及馬柏森旌善馬隊潛起襲之賊倉猝不知所爲駭懼紛竄官軍乘勢掩殺斃賊無數生擒悍賊二十名奪獲騾馬六十餘頭此徐占彪截剿金積堡南竄甘回殲除殆盡及截剿馬正和敗殘陝回獲勝實在